



Na osnovu člana 60. Zakona o upravi u Federaciji Bosne i Hercegovine („Službene novine F/BiH“, broj: 28/97 i 26/02), a u vezi sa članom 69. stav (2) tačka d), članom 70. stav (1), (4) i (6) Zakona o javnim nabavkama („Sl. glasnik BiH“, broj: 39/14), te preporuke Komisije za javne nabavke u Zapisniku o ocjeni ponuda, broj: 15-49-11772/2019 od 13.11.2019.godine, direktor Kantonalne uprave civilne zaštite, d o n o s i :

## O D L U K U

### o poništenju postupka javne nabavke

#### Član 1.

Prihvata se Preporuka Komisije za javne nabavke i poništava se postupak javne nabavke putem otvorenog postupka za predmet ugovora „Nabavka Aparata za brzu molekularnu dijagnostiku u realnom vremenu (RT-PCR)“ pokrenut objavom Obavještenja o nabavci, broj: 6518-1-1-1-3-1/19 od 21.10.2019. godine („Sl. glasnik BiH“, broj: 72/19 od 25.10.2019. godine) na Portalu javnih nabavki, jer nijedna od primljenih ponuda nije prihvatljiva.

#### Član 2.

Ova Odluka stupa na snagu danom donošenja, dostavlja se svim ponuđačima koji su učestvovali u postupku javne nabavke i u skladu sa članom 70. stav (6) Zakona o javnim nabavkama objavit će se na web-stranici [www.vladausk.ba](http://www.vladausk.ba), i to istovremeno s upućivanjem iste ponuđačima koji su učestvovali u postupku javne nabavke.

#### Obrazloženje:

Postupajući po Odluci o pokretanju postupaka javne nabavke za nabavku Aparata za brzu molekularnu dijagnostiku u realnom vremenu (RT-PCR) broj: 15-49-11772-1/19 od 16.10.2019. godine, Kantonalna uprava civilne zaštite je objavila na Portalu javnih nabavki Obavještenje o nabavci, broj: 6518-1-1-1-3-1/19 od 21.10.2019. godine, za predmet ugovora: „Nabavka Aparata za brzu molekularnu dijagnostiku u realnom vremenu (RT-PCR). Procijenjena vrijednost javne nabavke bez PDV-a je 64.100,00 (slovima: šezdesetčetiri hiljadesto) KM.

Po isteku roka za podnošenja ponuda (11.11.2019. godine do 11,45 sati) evidentirano je da je blagovremeno zaprimljena jedna ponuda, i to:

| Broj protokola   | Naziv/ime ponuđača (šifra)     | Datum i sat prijema       |
|------------------|--------------------------------|---------------------------|
| 15-49-11772-5/19 | "BIOMEDIKA“ d.o.o.<br>Sarajevo | 11.11.2019.godine (09:36) |

Neblagovremeno pristiglih ponuda do javnog otvaranja u ovom postupku nije bilo.

Uvidom u priloženu dokumentaciju i suštinsku provjeru sadržaja i validnosti dokumentacije Komisija je utvrdila da dostavljena dokumentacija ponuđača "BIOMEDIKA" d.o.o. Sarajevo ne ispunjava formalno pravne i tehničke zahtjeve ugovornog organa, te da nije prihvatljiva i ne može biti predmet vrednovanja.

Naime, tenderskom dokumentacijom u tački 3.4.1. definisani uslovi vezano za tehničku i profesionalnu sposobnost ponuđača, ugovorni organ je pod d) postavio uslov da ponuđač nudi robu u skladu sa standardima ISO 9001:2015. Ponuđač u svojoj ponudi nije dostavio dokaz da je ponuđena roba u skladu sa naprijed navedenim standardom. Naime, ponuđač je dostavio certifikat ISO 13485:2016, čime ne dokazuje da je ponuđena roba u skladu sa zahtjevima ugovornog organa utvrđenim u tenderskoj dokumentaciji.

Također, tačkom 3.4.2. tenderske dokumentacije, ugovorni organ je pod b) utvrdio da su ponuđači u obavezi da dostave: „opis tehničke opremljenosti i osposobljenosti i mjerama kojima raspolaže dobavljač za osiguranje kvaliteta, i za studije i istraživanja“. Ponuđač nije dostavio naprijed navedeni dokument.

U skladu sa naprijed navedenim, odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba Uredu za razmatranje žalbi BiH, putem ugovornog organa, u roku od deset dana od dana prijema iste i to u pisanoj formi i u dovoljnom broju primjeraka, a koji ne može biti manji od tri.

Broj: 15-49-11772 /2019.

Datum: 14.11.2019. godine.

**DIREKTOR KUCZ-e**

---

**Dževad Livaković, prof.**